

救產益母全生丸方



新刊救產益母全生丸叙

醫家諸書集者夥矣求其一方取效眞能十中八九似不多得愚曩者偶得是方觀所需藥材並無珍貴皆屬平常然配合爲丸必須時日夫病在燃眉藥須現成因是配丸施送尋藥者接踵於門伏思一人之力所濟不過彈丸之地藥方旣不能遠播尋者又曷可遐來爲是刊刻印方傳送以冀廣行久遠方便或有見是藥方中有大黃謬評似乎不宜而不知大黃遞次入醋攪熬其性卽與生軍大不相同矣愚配丸施送經驗奇效迄今十有六年濟人無算惟恐諸君視此仍爲尋常藥方置不經意是以每傳方一卷敬送救生產全生丸十九丸備遇患此症者先

試藥之靈驗諸君然後再爲配製施送如度自力不及可訪有
力好行方便之家將書藥轉傳其人配丸施送善功可均護耳
望善士謄錄是方一人傳送十人謄錄傳送百人十室之邑必
有忠信是卽廣行之一道也

光緒八年歲在壬午春月鐫

牟平常建圻題敍敬送

又序

諸君勿謂醫書千種註方萬計盡是濟世良方何獨取此丸之
奇視愚以管窺之見何至大書特書洋洋乎彰明較著實因親
經奇驗施送多年識誠不忍泯是方之善伏冀諸君與我心有
同然者也且家家婦人生產科中難保全安若服湯劑必須搬
請醫人有餘之家固然不難搬請至薄弱之家因區處不便酒
飯不湊更畏藥價難償如此因循不能用藥致成久疾臥床日
漸悴危家政俱廢若翁姑愁歎若男子失助若兒女泣啼一家
食不應日衣不應時其時方欲用醫已不易治矣望好施諸君
多製此丸濟救其中功德方便莫大焉

婦人一科前人立法綦備然考其治產諸方或有效有不效從未有以一方治千萬人之產而能立奏起死回生之功者苟其有之詎非婦人之金丹救生之寶筏乎己酉秋余至皖垣謁呂君礪溪見其案頭有新刊益母全生丸一方詳載病案朗若列眉因急詢其方之所由來則觀察蘇君巨川宰長清時所得也曾經如法製送治驗多人特恐寥寥一方易致湮沒故梓而行之以廣流傳並索序於余余曰呂君此舉可謂以仁存心者矣夫天地之性人爲貴然人當初生之際母子分張死生一髮苟無良藥以救之斯難產者多矣余嘗涉獵方書竊謂婦人胎前諸症莫善於保產無憂散至於臨產及產後諸症則此方實遠

過前人第此方藥味頗多炮製不易必須預備於平時乃能收效於俄頃今呂君之意以爲施藥不如傳方蓋藥不過僅救於一時而方則能普及於萬世用是廣爲刊布以濟世人惟願世之得是方者亦如呂君之用心轉相傳授俾山陬僻壤村婦農嫗無不知之則非特呂君所深幸抑亦蘇君所深幸也是爲序

宣統元年歲次己酉秋八月姻愚弟杜樹榮拜撰

勸施例言

一各處村堡集店皆有共議會事公所或爲演戲或爲修理道路橋梁必須斂收錢文望除事費之外稍多斂收錢四五千文即可配製此藥一料可作丸千餘粒可救產婦病症數十人此可謂以衆濟衆惠而不費者也

一高僧高道誦經讀懺本是見性明心修身遠俗之道如望成仙成佛還須功滿三千行圓八百伏冀有餘寺院配製此丸施送亦在功行三千之內至薄弱寺院又何妨募斂錢文配丸施送功成德行備補三千之數亦不遠矣

一開藥舖者配製此丸張貼招字出賣亦是功利雙收之道但

不可居爲奇貨昂其價耳切切

一凡施送此丸必須鄉里村坊張貼招字註明能治婦人產後諸症及室女經固不通不然明珠藏櫝誰知是寶

一配製此丸所需藥材務必囑咐製藥人如法炮製慎勿希圖省事致藥不靈又不可以低藥充塞悞人性命顧主更不可惜費居廉其價之心以取之也

一凡好施之心初念一動卽要便行若待三思而後一緩致初念旣疲大抵世之行事中止者多類是與

一凡施藥當分病家之貧與不貧貧者施送不貧者取還藥價如不分貧富一律施送誠恐博施維艱盛極難繼旣至施主

力竭不免中道而止將來之施主亦必望畏不前矣無如遇
貧施送遇不貧取還藥價如此藥費方可較輕自然施主可
以長久達者必不以此論爲濫取也亦周急不繼富之意云
爾



南京中医药大学图书馆版权所有

此丸註明治
產後十八症
及後異症須
知異字一字
是字簡言該
正謂醫所未
經之症但服
此丸無不神
效謹將經驗
多年奇效加
增頂註增補

碗盛重十兩

救產益母全生丸 治產後十八症及後異症

香附 四兩製 一次 黃酒浸三日晒乾 二次 醋浸晒乾 三次 童便浸晒

乾 四次 鹽水浸晒乾 五次 姜汁浸晒乾 六次 米泔水浸晒乾 七次 煎

花椒水浸晒乾 每次俱浸三日 桃仁 四兩去皮尖麪炒雙仁者不用 蒼朮 四

兩米泔水浸逐日換水春浸五日夏浸三日秋浸七日冬浸十日切片生用

澤蘭葉 四兩酒洗 益母草 四兩酒洗 川芎 三兩酒洗 切片 牛膝 二兩酒

洗 甘草 二兩去皮淨蜜炙 當歸 二兩酒洗 元胡索 二兩酒拌晒乾切片

以上各味俱爲細末聽用再用

大黃 一斤錦紋者佳去皮生用細末

川紅花 三兩砂鍋炒黃色用黃酒六大碗煮爛去渣取汁三碗聽用

有孫雙喜者
婦年三十七
歲懷孕十五
月自十二月
後胎忽不動
腹脹如鼓腿
痛碍行村嫗
同論以妖婦
畏啼泣喜來
問愚細思必
非妖正屬異
症付給此丸
十顆囑其每
日一次服二

赤木

三兩切片用井水九碗煎至三碗去渣存汁聽用

黑豆

三兩洗淨用河水六碗煮爛去渣取汁三碗聽用

先將大黃末放砂鍋內入好醋四斤攪勻以文武火不佳手
攪熬成膏以此再投醋一斤又攪熬成膏次下紅花汁赤木
汁黑豆汁陸續添入大黃膏內又攪熬成膏取木盆內盛之
鍋底粘住者刮起焙乾爲末入前羣藥內再將大黃膏入諸
藥內調勻爲丸每丸重三錢赤金箔爲衣最妙如無亦可務
必晒乾防後起霉用白蠟爲皮包裹或用磁瓶收裝勿令洩
氣愈久愈佳專治十八症所治之症開列於後 概用黃酒
代服亦可

丸服至三日
腿痛愈至第
四日生一女
無恙遂下水
泡數十枚大
者如拳少者
如李落地皮
破水撒肛門
內垂下一次
紅綆長三寸
粗分許不思
食惟飲水不
休大便難行
又來問又付
二十丸囑其
每日服二次
一次服二丸
大便難行加

一治產難蓋胎氣已成子食母血臨月足瘀血成塊俗呼兒枕
及將生時兒枕先破血裹其子故產難

但服此丸一二丸遂下敗血卽橫生症亦如催生可加車前
子七分炒香研末同丸入開水頓化溫服少年婦人初次生
產臨月以前或有試痛者亦可取服此藥必眞係難產者方
加車前若遇兒手足先出必須穩婆將手足輕順推入

二治子死腹中旣死胎冷不能自出產母腹痛腹滿上則口角
流沫下則小便流血手足冰冷指甲黑青急以車前子七分
炒香研末用此藥二丸共入酒頓化熱服其胎卽下如未下
再吃二丸立刻下

人乳一大盅
後回說婦病

愈全

凡注意服此
丸即愈非必
一服即愈數
服至病愈爲
度

婦女心中跳
動甚者渾身
起壘塊忽起
忽消者有起
而不消者壘

三治胎衣不下產血入於胎衣中所脹因此不下急服此一二
丸遂去衣中敗血自下

四治產後心悶口乾因六七日血氣未寧多吃麪食敗血結聚
在心所以心悶口乾急服此丸遂去敗血自愈不可誤爲虛
症治之

五治產後顛狂如見鬼神言語無度因產後敗血冲心所以心
煩燥熱言語狂亂急服此丸即愈不可誤爲邪症治之

六治產後四肢浮腫因敗血走入經臟四肢停留敗血回轉不
得化爲浮腫此血腫也醫人或不識呼爲水腫氣閉而小便
澀血竭而四肢寒急服此丸去敗血即愈

塊有硬有軟
者氣渾身串
痛者久瀉泄
者手足麻木
者生瘡者勝
腿痛者服此
丸十數次即
愈

婦人腹中久
有積塊者血
塊居多作痛
時必跳動是
知爲血塊久
則謂之癥瘕
黃酒化服此
丸數十次必
然消化多年
者亦可軟小

七治產後失音不語蓋人心有七孔三毛敗血流入空中被敗
血所悶所以不語急服此丸即愈不可誤爲脫陽失音治之
八治產後百節酸痛因產時骨節開張敗血流入諸處停結不
散所以百節酸痛急服此丸七八次即愈不可誤爲風濕治
之

九治產後下血如崩者蓋因產婦血脈正行或食鹹酸辛寒之
物失於保養因此營衛不調以致成疾渾身潮熱背膊拘緊
胸中煩悶急服此丸七八粒即愈

十治產後大小便秘結因產後調理失宜飲食不節兼有惱怒
致敗血流入小腸閉塞水道是以小便淋漓敗血流入大腸

凡服此丸如
小便赤紅如
血勿庸多疑

悶塞谷道是以大便難行急服此丸數天卽愈如大小便秘
結飲人乳一大盅或牛乳亦可

十一治產後頭暈眼花言語錯亂因產後三日內血氣未足環
走五臟奔冲於肺當服此丸不可誤以暗風治之

十二治產後胸膈氣滿嘔吐不安蓋人以谷爲主產後敗血停
澁於脾壅遏脾旣受傷不能納谷是以胸膈氣滿嘔吐不安
急服此丸卽愈

十三治產後咳嗽不甯因產後過食辛酸麪食結痰爲塊咳嗽
四肢寒熱心悶口乾渾身燥熱驚悸不寐體虛無力陰水不
來閉久卽成癆症變作骨蒸急服此丸可愈若不愈雖有盧

婦女久嗽勿
作癆症治也
但服此丸至
七八次痰必
漸變黃色服

至十餘次痰
必又變微黑
色全愈卽將
快矣

乾渴善飲者
咳嗽氣促者
善睡者多汗
者積血成塊
者服此丸十
餘次方可不
渴嗽止氣舒
血愧消化有
等愈而復發
者概因不是
藥力不到卽
是飲食不節
急重服此丸
數顆卽愈如

扁亦不能救

十四治產後喉中如蟬聲因產後敗血冲遏於心轉入肺膈主
氣上血共結成塊入於喉中聲如蟬鳴得此症者十不一救
急服此丸卽愈

十五治產後面赤舌乾鼻中流血遍身生黑斑點因產後敗血
入於五臟六腑皆滿流入肌膚出走四肢環轉不得故有此
症可畏可懼十無一生急服此丸卽愈

十六治產後百日方脫產體因六七日間多食油麪爽口之物
以致頻煩燥不甯因循不肯用藥調治兼日內過傷勞役房
事或坐當風染病日久有等致受中風牙關緊急腰背反張